



Broj: T18 0 KT 0018130 24

Brčko: 18.09.2025. godine

Optužnica potvrđena dana 23.09.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

M.M., rođen 1991. godine u Boderištu,

Što je:

1. Dana 26. oktobra 2024. godine, oko 11.30 sati, u ulici Banjalučka, Brčko distrikt BiH, u stanju bitno smanjene računljivosti uslijed graničnog poremećaja ličnosti, nakon što su ga policijski službenici po lišenju slobode doveli na ljekarski pregled, tokom boravka u čekaonici prijemne ambulante u bolnici u Brčkom, uputio ozbiljne prijetnje službenim licima Policije Brčko distrikta S.K., S.T., M.P., A.M. i V.M. riječima „Zapamtio sam vas sve, jebat ću vam majku ja, sve ću vas polomiti, pobit ću vas, majku vam jebem“, galamio i psovao policijske službenike, zbog čega su isti odlučili da ga vrata u policijsko vozilo namijenjeno za prevoz osoba lišenih slobode, prema kojem ga je hvatanjem ruke sa desne strane vodila policijska službenica M.A. i sa lijeve strane policijski službenik P.M., kojom prilikom se M.M. cijelo vrijeme gurao i odupirao, pa kada su došli do policijskog vozila registarskih oznaka ..., koje je bilo parkirano ispred ulaza u bolnicu, M.M. je svjestan da ga sa lijeve strane drži policijska službenica M.A., koju naglim pokretima, odupiranjem i guranjem može povrijediti, a što je i htio, prilikom sprovođenja u policijsko vozilo, nogom se odgurnuo od zadnji branik vozila pri čemu je M.A. oborio na pod i cijelom svojom težinom pa na njenu lijevu nogu uslijed čega je zadobila tešku tjelesnu povredu u vidu preloma vanjske kosti i zadnjeg dijela unutrašnje kosti lijevog skočnog zgloba

dakle, prilikom čuvanja lica kome je oduzeta sloboda, upotrijebio silu da spriječi službeno lice u obavljanju službene radnje koju je poduzelo u okviru svojih ovlasti,

2. Dana 15. decembra 2024. godine oko 15,00 sati u mjestu Dubrave bb, Brčko distrikt BiH, u stanju bitno smanjene računljivosti uslijed graničnog poremećaja ličnosti, došao u ugostiteljski objekat „Kafe 108“ u kojem se nalazio M.A., istom prišao i obratio se riječima „Nas dvojica imamo neriješenih problema“, te ga pozvao da izađu van lokala kako bi riješili probleme, pa kada je M.A. izašao iz lokala, M.M. svjestan da udarcima zatvorenom šakom i upotrebom oštrog predmeta može drugo lice teško tjelesno povrijediti što je i htio, nasrnuo na M.A., kojom prilikom mu je zadao udarac

zatvorenom šakom u predjelu glave, nakon čega je došlo do naguravanja između njih dvojice, da bi M.M. u namjeri da M.A. tjelesno povrijedi, izvadio šrafčiger koji je imao skriven kod sebe, istom zadao više uboda u predjelu glave i vrata, nanijevši mu tom prilikom lake tjelesne povrede u vidu udarca-nagnječenja tkiva i rane čeonog dijela glave, udarca i nagnječenja tkiva potiljačnog dijela glave, obodne rane donje usne sa probojem u usnu šupljinu, ubodne rane desne ušne školjke i desne strane glave, udarac-masnicu i okolnog crvenila desne strane vrata i gornjeg dijela desne strane grudnog koša, nakon čega se obratio prisutnim licima riječima „sad ću se ja vratiti sa pravim naoružanjem i sve vas pobiti“, što je kod M.A. kao i prisutnih F.L., D.L., F.D. a i J.G. izazvalo osjećaj straha za vlastitu sigurnost,

dakle, pokušao drugog teško tjelesno povrijediti i ugrozio sigurnost drugih lica prijetnjom da će ih lišiti života

čime je pod tačkom 1 počinio krivično djelo – Napad na službeno lice u obavljanju poslova sigurnosti- iz člana 353 stav 3 u vezi sa stavom 1 Krivičnog zakona Brčko distrikta BiH, a pod tačkom 2 počinio krivično djelo – Teška tjelesna povreda – iz člana 169 stav 1. u vezi sa članom 28. u sticaju sa krivičnim djelom - Ugrožavanje sigurnosti – iz člana 180 stav 1 Krivičnog zakona Brčko distrikta BiH sve u vezi sa članom 54 istog Zakona.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
